



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ Ո Ր Ո Շ ՈՒ Մ

5 փետրվարի 2026 թվականի N 118-Լ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
2024 ԹՎԱԿԱՆԻ ՕԳՈՍՏՈՍԻ 22-Ի N 1392-Լ ՈՐՈՇՄԱՆ ՄԵՋ
ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ
Մ Ա Ս Ի Ն

Հիմք ընդունելով «Նորմատիվ իրավական ակտերի մասին» օրենքի 33-րդ և 34-րդ հոդվածները՝ Հայաստանի Հանրապետության կառավարությունը **ո Ր Ո Շ ՈՒ Մ Է.**

1. Հայաստանի Հանրապետության կառավարության 2024 թվականի օգոստոսի 22-ի «Հայաստանի Հանրապետությունում անասնաբուծության խթանման ծրագրերը հաստատելու մասին» N 1392-Լ որոշման 1-ին կետի 2-րդ ենթակետով հաստատված՝ մթերատվության բարձրացման փորձնական ծրագրի՝

1) 8-րդ կետը «շվից» բառից հետո լրացնել «այրշիր, մոնբելյարդ, տիրոլյան գրեյ» բառերով.

2) ամբողջ տեքստում «Սյունիքի» բառից հետո լրացնել «Վայոց ձորի, Լոռու» բառերով, իսկ «29480» թիվը փոխարինել «25280» թվով, «16840» թիվը՝ «12640» թվով.

3) 11-րդ կետի 4-րդ ենթակետից հանել «արհեստական սերմնավորում իրականացնող» բառերը.

4) 11-րդ կետի 4-րդ ենթակետի «ա» պարբերությունը շարադրել հետևյալ խմբագրությամբ՝

«ա. ունեն համապատասխան գործունեությամբ զբաղվելու հավաստագիր, առնվազն մեկ տարվա արհեստական սերմնավորում իրականացնելու փորձ ունեցող մասնագետներ (բարձրագույն կամ միջին մասնագիտական կրթություն),».

5) 13-րդ կետում «Սյունիքի և Տավուշի մարզերը» բառերը փոխարինել «Սյունիքի, Վայոց ձորի և Տավուշի մարզերը, Լոռու մարզը, որը հանդիսանում է հանրապետությունում առաջատար տոհմասելեկցիոն ավանդական տարածաշրջան» բառերով.

6) 15-րդ կետի աղյուսակը շարադրել հետևյալ խմբագրությամբ՝

«

Մարզերը	Կտվերի թիվը՝ 01.01.2024 թ.-ի դրությամբ, հազ. գլուխ	2025 թ.		2026 թ.		Ընդամենը	
		սերմնավորվող կտվերի թիվը, գլուխ	Ֆինանսավորման ծավալը, հազ. դրամ	սերմնավորվող կտվերի թիվը, գլուխ	Ֆինանսավորման ծավալը, հազ. դրամ	սերմնավորվող կտվերի թիվը, գլուխ	Ֆինանսավորման ծավալը, հազ. դրամ
Արագածոտն	28484	2910	29100.0	2020	20200.0	4930	49300.0
Գեղարքունիք	34217	3500	35000.0	720	7200.0	4220	60000.0
Շիրակ	31580	3220	32200.0	4000	40000.0	7220	72200.0
Սյունիք	15716	1600	16000.0	1500	15000.0	3100	31000.0
Տավուշ	13837	1410	14100.0	500	5000.0	1910	19100.0
Լոռի	34649			3500	35000.0	3500	35000.0
Վայոց ձոր	6031			400	4000.0	400	4000.0
Ընդամենը	164514	12640	126400.0	12640	126400.0	25280	252800.0

».

7) 22-րդ կետը շարադրել հետևյալ խմբագրությամբ՝

«22. Նախարարությունը 10 աշխատանքային օրվա ընթացքում ուսումնասիրում է ներկայացված փաստաթղթերը և ծրագրի 11-րդ կետի 4-րդ ենթակետով, 19-րդ և 20-րդ

կետերով սահմանված դրույթներին համապատասխանության վերաբերյալ գրավոր տեղեկացնում մարզպետի աշխատակազմին:».

8) 24-րդ կետի «10» թիվը փոխարինել «20» թվով.

9) 25-րդ կետը «համարակալված և» բառերից հետո լրացնել «ԱՆԻ ՊԱՍ համակարգում» բառերով.

10) 26-րդ կետի «պետք» բառը փոխարինել «կարող» բառով.

11) 27-րդ կետը շարադրել հետևյալ խմբագրությամբ՝

«27. Տվյալ համայնքում կամ բնակավայրում կովերի արհեստական սերմնավորում իրականացրած կազմակերպությունը յուրաքանչյուր ամսվա ավարտից հետո 5 աշխատանքային օրվա ընթացքում համայնքի կամ բնակավայրի ղեկավարին է ներկայացնում նախորդ ամսվա ընթացքում իր կողմից կատարված սերմնավորման ծավալների վերաբերյալ հաշվետվություն, որում պետք է նշված լինեն տնտեսավարողի անունը, ազգանունը, հասցեն, հեռախոսահամարը, սերմնավորման ամսաթիվը, սերմնավորված կովի ականջապիտակի գույքային համարը, ցլի անունը և գույքային համարը: Հաշվետվությանը կցվում է ծառայությունների մատուցման երկկողմ պայմանագիրը (կազմակերպության և տնտեսավարողի միջև):».

12) 28-րդ կետը շարադրել հետևյալ խմբագրությամբ՝

«28. Համայնքին կամ բնակավայրին տրամադրված հաշվետվությունը 5 աշխատանքային օրվա ընթացքում ուսումնասիրվում է համայնքի կամ բնակավայրի ղեկավարի կողմից և ներկայացվում մարզպետի աշխատակազմ, որն էլ այն 5 աշխատանքային օրվա ընթացքում ներկայացնում է նախարարություն՝ ըստ համայնքների նշելով նախորդ ամսվա ընթացքում սերմնավորված կովերի թիվը, տնտեսավարողի անունը, ազգանունը, հասցեն, հեռախոսահամարը, սերմնավորման ամսաթիվը, սերմնավորված կովի ականջապիտակի գույքային համարը, ցլի անունը և գույքային համարը:».

13) 31-րդ կետը լրացնել հետևյալ բովանդակությամբ՝ նոր նախադասությամբ՝

«Կազմակերպությունը պարտավորվում է աջակցել մոնիթորինգի իրականացմանը:».

14) 35-րդ կետի «294 մլն 800» բառերը փոխարինել «252 մլն 800» բառերով.

15) 36-րդ կետի «16840» թիվը փոխարինել «12640» թվով, «168400» թիվը՝ «126400» թվով:

2. Սույն որոշումն ուժի մեջ է մտնում հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓՈԽՎԱՐՉԱԴԵՏ

Տ. ԽԱՉԱՏՐՅԱՆ

Երևան